

Vi ste ovdje: [Početna](#) ▶ [Vijesti](#) ▶ [Vijesti 122](#) ▶ Bilten za 11.06.2026. godine



VIJESTI 122

## Menu

[HOME](#) >

[OGLASI](#) >

[KONKURSI](#)

[JAVNE NABAVKE](#)

[ZAVRŠENE JAVNE NABAVKE](#)

[VIJESTI 122 I SAOPĆENJA](#) >

[AKTUELNO](#) >

[GRADANSTVO](#) >

[INFORMACIJE](#) >


[CYBER SIGURNOST](#) >

[LINKOVI](#) >

## Arhiva bilten

Jun 2026						
Po	Ut	Sr	Ce	Pe	Su	Ne
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	1	2	3	4	5

## Pregled vijesti 122



## Bilten za 11.06.2026. godine

Objavljeno petak, 12 Juni 2026 08:43

Klikova: 113

### JAVNI RED I MIR

Na području Zeničko-dobojskog kantona javni red i mir je narušen u osamnaest slučajeva. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

### KRIMINALITET

#### Zenica

Dana 11.06.2026. godine, u 02,40 sati, u ulici Verostin put, od strane nepoznatog lica je bačena ručna bomba u dvorište kuće, vlasništvo lica Š.E., iz Zenice, koja se nije aktivirala. Od strane Federalne uprave civilne zaštite sa lica mjesta je preuzeto neeksplozivno ubojno sredstvo, te je izvršen uviđaj od strane službenika Policijske uprave I koji nastavljaju aktivnosti na rasvjetljavanju i dokumentovanju krivičnog djela "Izazivanje opće opasnosti".

#### Visoko

Dana 11.06.2026. godine, službenici Policijske stanice Visoko, postupajući po Naredbi Općinskog suda Visoko, u mjestu Kalići, su izvršili pretres kuće i pomoćnih objekata, koje koristi lice Z.M., rođeno 1998. godine, iz Visokog. Prilikom pretresa pronađena je biljna materija koja svojim izgledom asocira na opojnu drogu, težine 18,46 grama, četiri metka, digitalna vaga i metalna drobilica. Zbog postojanja osnova sumnje da je počinilo krivično djelo "Neovlašćena proizvodnja i stavljanje u promet opojnih droga" i krivično djelo "Nedozvoljeno držanje oružja ili eksplozivnih materija" lice Z.M. je lišeno slobode i zadržano u prostorijama za zadržavanje gdje je nad istim zavedena kriminalistička obrada.

#### Kakanj

Dana 11.06.2026. godine, u 01,15 sati, u ulici Vehbije Kulovića, od strane lica B.J., iz Zenice, izvršena je teška krađa u kuću, vlasništvo lica B.A., iz Kakanja, kojom prilikom je otuđen akumulator i određena količina pića i hrane. Zbog postojanja osnova sumnje da je počinilo krivično djelo "Teška krađa" lice B.J. je lišeno slobode i zadržano u prostorijama za zadržavanje te je nad istim zavedena kriminalistička obrada.

#### Žepče

Dana 11.06.2026. godine, u 13,40 sati, u dežurnu službu Policijske stanice Žepče obratilo se lice Š.I., iz Žepča i prijavilo lice A.Š., rođeno 1983. godine, iz Žepča da je upućivalo prijetnje prema istom. Zbog postojanja osnova sumnje da je izvršilo krivično djelo "Ugrožavanje sigurnosti" lice A.Š. je lišeno slobode i zadržano u prostorijama za zadržavanje te je nad istim zavedena kriminalistička obrada.

Dana 11.06.2026. godine, u 18,30 sati, u mjestu Željezno polje, od strane službenika Policijske stanice Žepče kontrolisano je parkirano putničko motorno vozilo marke "Golf" u kojem su se nalazila lica N.A., rođeno 1979. godine i G.V., rođeno 1985. godine, oba lica iz Zenice. Izvršenim pregledom kod navedenih lica pronađena je biljna materija koja svojim izgledom asocira na opojnu drogu težine 6,25 grama. Zbog postojanja osnova sumnje da su počinila krivično djelo "Posjedovanje i omogućavanje uživanja opojnih droga" lica N.A. i G.V. su lišena slobode i zadržana u prostorijama za zadržavanje gdje je nad istim zavedena kriminalistička obrada. Izvršen je uviđaj od strane službenika Policijske stanice Žepče koji nastavljaju aktivnosti na dokumentovanju navedenog krivičnog djela.

### BEZBJEDNOST SAOBRAĆAJA

Na području Kantona dogodilo se devet saobraćajnih nezgoda, u kojima je jedno lice zadobilo lakše tjelesne ozljede, teže povrijeđenih lica nije bilo, dok je na vozilima pričinjena materijalna šteta.